

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Եղիշե Չարենցի <<Էպիքական լուսաբաց>> ժողովածուն

Ուսուցիչ՝ Վարսիկ Հովհաննիսյան

Խումբ՝ Հայոց լեզու և գրականություն

Խմբի ղեկավար՝ Լիլիթ Մարկոսյան

Եղեգնաձոր

2022

Բովանդակություն

1.Ներածություն-----	2
2.Ե. Չարենցի կենսագրությունը-----	3
3.Ե.Չարենցի ստեղծագործությունը-----	4
4.<<Էպիքական լուսաբաց>> ժողովածուն-----	4
4.1 Մաքառման ճանապարհին-----	5
4.2 Անցյալի մշուշից ծնված լուսավոր Հայաստանի ապագան-----	10
5.Եզրակացություն-----	13
6.Գրականության ցանկ-----	14

ՆԵՐԱԾՈՒԹՅՈՒՆ

Իմ հետազոտական աշխատանքի թեման է Եղիշե Չարենցի «Էպիքական լուսաբաց» ժողովածուն: Թեմայի ընտրության հարցում նկատի եմ ունեցել այն, որ թեման ոչ միայն ծավալուն է և բովանդակալից, նաև ունի արդիականություն:

Չարենցը դարձավ հավերժական միայն 1953 թվականից հետո, մինևույն ժամանակ եղավ հայտնություն, երբ Ն. Աղբալյանը իր զեկույցում հայտարարեց ,որ ծնվել է մի տաղանդավոր բանաստեղծ: Չարենցը ծնվել է 1897թ.,բայց յուրաքանչյուր ժամանակաշրջանում գրողը նորից ու նորից վերածնվում է` դառնալով պայքարի, հեղափոխության և ազատության խորհրդանիշ: Այդ առումով շատ արդիական է «Էպիքական լուսաբաց» շարքը, որտեղ ընդգծված գաղափարները մեր օրերի համար է և իզուր չէ, որ ժողովածուն ծրագրային է և հանդիսանում է սկիզբ «Գիրք ճանապարհի» ժողովածուի համար:

Համարյա ոչինչ չի փոխվել, բացի ժամանակաշրջանից և ժամանակից, որն իր ընթացքի մեջ է առել գրողի գաղափարները, քանի որ ժողովածուն փոքր ինչ նաև քիչ է ուսումնասիրված փորձել եմ կրկին վեր հանել գրողի ապրած ժամանակաշրջանի խոհերն ու գաղափարները և դնել մերօրյա ժամանակների հարթակի վրա:

Ե.ՉԱՐԵՆՑԻ ԿԵՆՍԱԳՐՈՒԹՅՈՒՆԸ

Եղիշե Աբգարի Սողոմոնյանը ծնվել է Կարս քաղաքում, 1897 թվականի մարտի 13-ին: Նրա ընտանիքը Կարս էր եկել Պարսկաստանի Մակու քաղաքից: Ընտանիքում 4 տղա էին, 3 դուստր: Նախնական կրթություն է ստացել Կարսի հայկական դպրոցներից մեկում, իսկ մինչ այդ գրաչանաչություն է սովորել հորից: Այնուհետև ուսումը շարունակել է Կարսի ռեալական դպրոցում՝ սովորելով 4 տարի: Ուսումնարանից հեռացել է՝ կրթությունը կիսատ թողած: 1914 թվականին սկսվում է համաշխարհային պատերազմը և անարձագանք չի մնում հայկական շրջաններում:

1915 թվականին 18-ամյա պատանին իբրև սանիտար հայկական 7-րդ կամավորական ջոկատի կազմում, մասնակցում է կռիվներին և հասնում Վան:

1916 թվականին Չարենցը գնում է Մոսկվա՝ կրթությունը շարունակելու նպատակով: Բայց այնտեղ էլ է անավարտ թողնում կրթությունը: Հեղափոխական իրադարձություններով տարված արդեն իսկ գրական ճանապարհ անցած, 22-ամյա Չարենցը 1919 թվականին վերադառնում է Կարս և անցնում աշխատանքի Բաշքյադիկլար գյուղում՝ որպես ուսուցիչ: Եվ ահա այդ ժամանակ էլ գրաքննադար Ն. Ադրայանը հայտարարում է, որ ծնվել է մի նոր քանաստեղծ:

1919 թվականին Չարենցը գալիս է Երևան և հանդիպում Ն. Ադրայանին: 1920 թվականի հունվարի մեկից նշանակվում է նախարարության հատուկ հանձնարարությունների կոմիսար: Բայց մի քանի ամիս անց հեռանում է պաշտոնից և գնում աշխատելու ամերիկյան որբանոցում է իբրև ուսուցիչ ու դաստիարակ: Այնուհետև նա դառնում է Լուսավորության նախարարության արվեստի բաժնի վարիչ:

1921 թվականին Չարենցը մեկնում է Մոսկվա արդեն՝ կնոջ Արփիկ Տեր-Աստվածատրյանի հետ և ընդունվում Արևելքի աշխատավորների կոմունիստական համալսարան:

1924-1925 թթ Ալ. Մյասնիկյանի օժանդակությամբ Չարենցը մեկնում է արտասահմանյան ուղևորության: Նա շրջում է Եվրոպայի մի շարք երկրներում: 1927 թվականին մահանում է Չարենցի կինը՝ Արփիկը: Գրողը շատ ծանր է տանում սիրելի կնոջ մահը քայքայ կարողանում է մեծ ջանքերի շնորհիվ հաղթահարել ամեն ինչ:

1931 թվականին Չարենցն ամուսնանում է Բզաբեյլա Կոդաբաշյանի հետ: Սակայն հետագայում քանաստեղծին բանտարկում են և օրեր շարունակ անօգնական ու անգիտակից մնալուց հետո, բանտի հիվանդանոցում մահանում է 1937 թ. նոյեմբերի 29-ին: Բանաստեղծի հավերժական կյանքն սկսվում է 1953 թվականից հետո միայն:

ՉԱՐԵՆՑԻ ՍՏԵՂԾԱԳՈՐԾՈՒԹՅՈՒՆԸ

Ե. Չարենցի առաջին բանաստեղծությունը տպագրվել է «Պատանի» ամսանախում՝ 1912 թ. «Ծաղիկները հեզ թեքվում են քամու օրորի տակին»:

1914 թվականին լույս է տեսնում «րեք երգ տխրադալուկ աղջկան» բանաստեղծությունների ժողովածուն՝ Կարսում:Նրան հաջորդում են,,Հրո երկիր,, ,,Տեսիլաժամեր,, / ,,Լիրիկական բալլադներ,,/ ,,Ծիածան ,, շարքերը:

1916թ. ,,Դանթեկան առասպել ,, պոեմն է լույս տեսնում:

1915թ.«Կապուտաչյա հայրենիք» պոեմը,իսկ արդեն 1918-ին «Սումա»1919թ.,«Ամբոխները խելագարված»պոեմները:

1918-1921թթ Չարենցը գրում է«Ողջակիզվող կրակ»,«Էմալե պրոֆիլը ձեր»,«Փողոցային պչրուհուն», «Ութնյակներ արևին» բանաստեղծական շարքերը:

1926 թվականին գրողը հրատարակում է «Երկիր նահրի » վեպը:

1930 թվին լույս է տեսնում «Էպիքական լուսաբաց » ժողովածուն

1934 թվականին լույս է տեսնում վերջին ժողովածուն՝ «Գիրք ճանապարհի»:

Մաքառման ճանապարհին

1930 թվականի հունվարին լույս է տեսնում Ե. Չարենցի «Էպիքական լուսաբաց» ժողովածուն: Գիրքը հրատարակվում է հետևյալ ընծայագրով:

„Նվիրում եմ այս գիրքս հիշատակին կնոջս, ընկերոջս, հերոսական բարեկամիս՝ Արփենիկ Չարենցի Աստվածատրյան: Նա վախճանված էր 1927 թվականի հունվարի 1-2-ի գիշերը՝ Երևանի առաջին հիվանդանոցում: 1

Հետագայում 1932 թվականին գրողը, „Մուսայիս, քանաստեղծությունը ավելացնում է „Էպիքական լուսաբաց, ժողովածուի մեջ՝ ամենասկզբում:

Ե. Չարենցի ստեղծագործությունները բազմիցս ուսումնասիրվել են քննարկվել վերլուծաբանների գրականագետների կողմից: Ժողովածուները վերլուծել են և ամեն մեկն իր ուրույն մոտեցումն է ցուցաբերել հանճարի ստեղծագործությունների վերաբերյալ: Քանի որ Չարենցը հայտնություն էր ,տաղանդավոր ու առեղծվածային, միևնույն ժամանակ պարզ, մաքուր, խճճված, ըմբոստ: Նրա ստեղծագործություններում գրեթե միշտ զգացվում է անկախ, հախուռն ,անհանգիստ գրողի հոգեվիճակը: Նրա կյանքը մաքառում է պայքար, որի արդյունքում ծնվել են տաղանդավոր և հրաշալի բանաստեղծական շարքերն ու ժողովածուները: Իր յուրահատուկ բանաստեղծություններով, ծրագրային ու չափախո նովելներով առանձնանում է վերոնշյալ ժողովածուն: Այն կարելի է կիսել երկու թեմատիկայի՝ բանաստեղծի խոհերն ու հուզական ապրումներն ընդգրկող ճանապարհ՝ պայքարի և մաքառման և գրեթե միշտ հեղինակի գործերում նկատելի Հայաստանի պատկերը, լուսավոր ապագայի տեսլականը:

Անդրադառնալով 1-ին մասին, նշենք որ „Մուսայիս, քանաստեղծությունը ժողովածուի սկզբում ավելացրել է հեղինակը կնոջ մահվանից հետո և հենց այս գործում էլ նկատելի ներկայի ցավագին ապրումը ու ապագայի համար մղվող պայքարի շեփորը:

Հառնեցիր հանկարծ վիթխարի թափով,

Դու շոնդաբլից այգին ընդառաջ,

Լցված հողմային օրերի տապով,

Կանգնեցին՝ ձեռքիդ պայքարի

Եվ դարձար այնքան նոր ու անճանանչ: 2

1. Ոչ մի շաբաթ առանց Չարենցի, Երևան, Չանգակ, 2022թ. էջ 1

2. Եղիշե Չարենց, երկերի ժողովածու, 4 հատորով, հատոր 2, Երևան, 1986, էջ 254

Հեղինակին զարմացնում են բարիկաղներում կռվող ,մարտիրոսաբար մարտնչող կանայք, որոնք այնքան ջախել են, երիտասարդ,խնդուն,փոթորկվող,հողմերի մեջ կարծես

թե նրանց արյունն է եռում:Այդ ամենից հետո անմիջապես ծնվում է երգը,որտեղ էլ հեղինակը գրում է .

Դու նզովեցիր օրերը քո հին,
Այնքան անկրակ ու մեռած այնքան,
Եվ գնդերի հետ ելար գրոհի,
Որպես մի կարմիր ամազոնուհի,
Դու շեփորեցիր կռիվ ու պայքար:/3

Ի սկզբանե այն,որ այս գործում կա հատված ,որտեղ նշված է ժողովածուի անմիջական անունը կրող բառ:Երբ նայում ես բառարանը /4,,էպիքական ,, բառը փոխաբերական իմաստով նշանակում է 1.վեհ,վեհապանձ/2.հերոսական,դյուցազնական:Ըստ այդմ տեսնում ենք զուգահեռներ հետևյալ հատվածում.

Ինչ իմանայի օրերեում ես այն,
Որ այնքան անկյանք քո երակներում,
Բարիկաղների հրերում անանց,
Մարտիրոսաբար մարտնչող կանանց
Բորբ հերոսական արյունն է եռում:/4

Ու ահա այստեղ էլ նույն պայքարն է ,կյանքի ,մահվան, ապագայի համար:Հեղինակը նաև իր ցավն ու մտորումներն է արտացոլում մուսայի անվանաստվերում:

Ապագայի վառ տեսլականը ,որտեղ սակայն թախիծը չի մեռնում ,այլ լցնում է ապագաի անիվը...

Որ բացվես պիտի օրերեում դու նոր,
Ինչպես ծաղիկն է արևից բացվում,
Որ քո քնարի երգերը բոլոր,
Այն դժնի ,խեղդող ու աղետավոր
Օրերից են լոկ թախիծով լցվում:5

3.նույն տեղում՝ էջ 254
4.Bararan onlayn Re Armenia
5.Նույն տեղում՝ էջ 204

Հակասություններն ինքնին բացահայտում են խորը հոգեվիճակ, ծանր ապրումների անհայտ ուղի: Մշուշոտ ճանապարհը տանում է ապագա՝ հեռվից պայծառ ու լուսավոր, թախիժով ու տրտմությամբ և որն անցնում են միայն չարչարանքի գնով, քանզի պայքարը հենց մարդու համար է ու մաքառման ճանապարհին ճամփորդի նման ուղիներով քարձրանում էս վեր անհաս բարձրություններ, որտեղ էլ չարչարում են քեզ՝ քսելով երեսդ քարերին մերկ:

Տարել է ուղին քո խորդուբորդ,

Քեզ դեպի քո անհաս բարձրություններ

Եվ անձրևն է մերթ քեզ թրջել հորդ

Եվ երկինքն է մերթ գլխիդ ձյունել,

Քսել երեսդ քարերեին մերկ:

Ու չարչարել են քեզ չարաչար,

Բայց կրկին, կրկին ձգտել էս վեր: 6

Այս պայքարում հերոսը կարողանում է պատասխան տալ թշնամիներին, որի վառ արտահայտումն է „Ես այլևս այն չեմ,, բանաստեղծությունը: Նա արդեն հասկացել է մի պարզ բան, որ ոչ մի արդյունքի չի հասնի միայն երգերով և պարզապես պետք է հրաժարվել զգացմունքների հորձանքից ու պարուրվել աշխատանքի բոցով: Նա խոստանում է ինքն իրեն այլևս շառաչուն երգեր գալիքի մասին չերգել: Բայց նորից ի հայտ է գալիս հակասությունը, այն որ այդ ամենի արդյունքում իր ներսում գնդերի նման կուտակվում են խոհերը: Առջևում աղմկում է ներկան, գալիքը, և քնարական հերոսը ճամփա է ընկնում մենակ իր քնարի հետ միասին: Նորից ըմբոստանում է հոգին, ծառանում է պայքարի ոգին, ամրանում է կամքը ու երգում է նա, անդադար երգում:

5. Նույն տեղում, էջ 204.

6. Նույն տեղում է 254

Բայց պինդ է հոգիս,ու ոչ մի ժանիք,
Ինձ չի բաժանի իմ անցյալ դարից,
Ինչպես ոչ մի ուժ ինձ չի բաժանի,
Իմ շոնդալից պայծառ քնարից:7

Իսկ քնարը երգում է երգում,երգում անցյալի ներկայի ,ապագայի մասին:Երգում է Արփենիկի՝
հերոսական կնոջ,բարեկամի ,ընկերոջ մասին:

Չի մեռնում ոչինչ, ո՛չ անցյալի,ո՛չ ներկան:Ներկան,որտեղ ափսոսանքով նրանք ճանապարհ են
դնում դագաղը՝ քարանալով ռազմի պահակի նման,բայց.....

Եվ խառնելով արդեն կերպարանքը նրա,
Հուրհրատում էր գալիքի հրդեհների հրով,
Արնանման ինչպես հաղթանակի դրոշ:8

Քնարական հերոսը կարծես թե տեսնում է ապագան,զգում իր հետ կատարվելիքը,և մտքի
սլացքով թռչելով տեսնում լույսը,պայծառ գալիքը:Բայց մինչ ապագա հասնելը նա
անդրադառնանք նաև չափածո նովելներին:Առանձնահատուկ սյուժե ունի „Homo-
Sapies,,ստեղծագործությունը:Հերոսը 16 տարեկան մի տղա ,ով գունատ է ,միջահասակ,նաիրյան
,քայլում է քաղաքով:Նա հանելուկ է իր հոր համար ու բավականին անտարբեր
շրջապատին:Մտքերի շարանները շփոթեցնում են նրան :Իր շուրջը պարուրող խաղաղությունը
ստիպում է գնալ այգի,որ այնտեղ կարդա այս գիրքը՝ „Homo -Sapies,,:Այդ գրքի էջերից ասես
ցնորքներ են են թափվում և նա մոռանում է աշխարհը՝ տեսնելով մի անեզրական կարոտ՝
Էլբրուսը:

Շառաչում են շանթերը և այդ շանթերի մեջ մի հանճարեղ աղջիկ:Իսկ ո՞վ է նա ,Նվարդ,թե՞
Արփենիկ,մենք չգիտենք ,բայց պատանին այդ հետո դառնում է պոետ ու գրում այս նովելը,որ
մենք կարդանք:Այս ստեղծագործությանը հաջորդում է մի այլ հրաշալի գործ,որն ապագայի
տեսլականն է և զուր չէ որ հեղինակը զգում է իր՝ ապագայում գերեզման չունենալը:Բայց
հանճարի անհայտությունը երկար չի տևում:Մի Գանգրահեր տղա կգտնի ու կկարդա այս
տողերը:

7.Նույն տեղում,էջ 2548

8.Նույն տեղում ,էջ264

Հետո կարծրացած փոշին է քերում,
Նա մի հին քարի վրայից ահա ,
Նայում է ապա նա փոշոտ քարին,
Աղեղանման հոնքերի տակով,
Գրված է վրան Եղիշե Չարենց,
Բանաստեղծ ծնված Մակու քաղաքում:9

Որին էլ անմիջապես հաջորդում է պայծառ ապագայում քայլող լույսը՝ գանգրահեր, ոսկեհեր մանուկը:

Լսու՞մ ես այդտեղ իմ սիրտն է թաղած,
Կոխտոխի նրան քայլերով քո լույս,
Օ՛րո՞ւ գալիքի գանգրահեր տղա ,
Մեր լավ գալիքի ոսկեհեր մանուկ:10

Չարենցի,, էպիքական լուսաբաց,, ժողովածուի գրեթե բոլոր ստեղծագործությունները իրենց մեջ կրում են Չարենցի վերլուծական և խոհական ուժը:Ծրագրային բանաստեղծություններում զգացվում է բանաստեղծ քաղաքացու ,դժվարություններ ,պայքար ,վերելք ,անկում տեսած մարդու կյանքն ու կերպարը:Եվ իզուր չէ, որ Հ.Թամրազյանն ասում է, որ դա սուսկ հերթական հաջողություն չէր ,այլ այն հազվագյուտ գրքերից ,որոնք հանգուցային դեր են խաղում ,հաջորդականության մեջ դառնում սկիզբ ,Բացում նոր հորիզոն:

Արվեստի այս նոր փիլիսոփայությունը հատուկ խորհուրդ է ստանում էպիքական հյուսվածքներով և մտահղացումներով:Բանաստեղծի հորիզոնում երևում է հայ պոեզիայի ամբողջականությունը: Չարենցը գնում է դեպի ընկալման և արտացոլման ներքին շարժումը,բարդությունները,հորիզոնները և փորձում հայտնաբերել մեծ առօրյայի բանաստեղծությունը: Իսկ մենք շատ ենք քննարկում Հայաստանի կերպարը նոր ծրագրի հեռապատկերի վրա: Նաև կարելի է ուշադրություն դարձնել հեղինակի հոգոբանական առանձնահատկությունների դրսևորման վրա: Հ.Թամրազյանը նշում է ,որ ծրագրային բանաստեղծության մեջ հսկայական չափով մեծանում է անհատի և հասարակության ներքին աղերսը:

9.նույն տեղում էջ 293
10.նույն տեղում էջ 293

,բանաստեղծի անսովոր զգայուն և առողջ վերաբերմունքը դեպի դարաշրջանը, դասակարգը և մարդը, ուստի հեռանկարների ուժեղ զգացողություն կա գալիքի և ներկայի առջև: Հենց ա՛յ դրանում էլ կայանում է բանաստեղծի հանճարը և այս ժողովածուի առավելությունը: Այս ժողովածուն ծրագրային է, միևնույն ժամանակ պարզ ,մաքուր ,գուլալ,զգացմունքային, անձնական,բանաստեղծական հայրենասիրական և ամենակարևորը ապագայի տեսլական:

ԼՈՒՍԱՎՈՐ ՀԱՅԱՍՏԱՆԻ ԿԵՐՊԱՐԸ

Երբ ընթերցում ես Ե.Չարենցի գործերը, սկսում ուսումնասիրել խորությամբ, ակնհայտ է դառնում մի պարզ բան, համարյա բոլոր գործերում անտեսանելի, բարակ թելի նման անցնում է հայրենի երկրի՝ Հայաստանի վառ ապագայի գաղափարն ու տեսլականը: Գրողն ամբողջ էությամբ սիրահարված է հայրենի հողին երկրին, նահրյանին, Մասիսին, և ինչպես ինքն է ասում իր Հայաստան յարն է սիրում: Չարենցի սերը հայրենիքի նկատմամբ սկսվում է „Ես իմ անուշ Հայաստանի „բանաստեղծությունից: Դեռևս 1918 թվականին նա մասնակցում է ընթացող ինքնապաշտպանական մարտերին կամավոր, իսկ այնուհետ գրում «Մոման», «Կապուտաչյա հայրենիք» և «Դանթեական առասպելը»: Ակնհայտ ցույց տալով իր բոցավառ սերն ու շունչը հայրենիքի նկատմամբ: Չարենցը միշտ էլ տեսել է Հայաստանի ապագայի տեսլականը և տարբեր գործերում արել հղումներ ու հուշումներ: Այդ ամենն աննկատ անցնում է նաև «Էպիքական լուսաբաց» ժողովածուի ստեղծագործություններում: Վերջնականապես տեսքի բերվում „Գանգրահեր տղան, չափածո նովելում: Հայաստանի ամբողջական պատկերն արտացոլվում է հատկապես էպիկական առումով „Անակնկալ հանդիպում Պետրոպավլովյան ամրոցում „չափածո նովելում: Այն անցյալի և ներկայի միաձուլումն է, որտեղ ներկայացվում՝ Միքայել Նալբանդյանի կերպարը: Այստեղ կա և՛ ազատագրական պայքար և՛ հայ մարդու, ասպետի կյանքի և ստեղծագործական աշխարհի մասին: Բայց այս ամենին զուգահեռ կա նաև ջերմություն, մարդկային վեհ հատկանիշներ, իմաստություն և քաջություն: Ազգային հպարտության զգացումը պարուրում է հերոսին, միժամանակ կերպարը ստանում է խորը պատմականություն: Այստեղ ևս կա ազգային երգը, Ազատության պայքարը, ըմբոստությունը, համամարդկային զգացումները, և բանաստեղծությունը ևս ստանում է սրտառուչ երանգ:

„Առաջին գլխի հատվածներում խոսքը գնում է քաղաքական խառը մթնոլորտի, մայիսյան դեպքերի Ալավերդյանի արտասանած ճառի մասին: Երկրորդ գլխի հատվածներում պարզ ակնարկներ կան թուրքերի հարձակման և դաշնակցական կառավարության անճարակության մասին: Երրորդ գլուխը նվիրված է փետրվարյան դեպքերին, քանի որ նկարագրված են մերոնց նահանջը և կարմիր զինկոմի քաջարի արարքը: 12

Ահա և այստեղից էլ գալիս է այն աշխատանքը տենդագին, որ արել է Չարենցը պոեմի վրա: Ընդհանուր խոսքի փոխարեն կանգնում է կենդանի կերպարը, նրա արթնացած ազգային հպարտության զգացումը: Անցում կատարելով մյուս գրողին՝ Ակսել Բակունցին նվիրված գործին, պետք է նշենք այն, որ մեծ ուշադրություն է գրավում այս բանաստեղծությունը որ նվիրված է գրական ընկերոջը: Բակունցին նվիրված երգը այնքան հարազատ բարեկամին, հնչում է որպես մեծ ճանապարհի հավերժական խորհուրդ: Չարենցն այս գործում նկարագրում է իր մտորումները, ապրումները, զգացվում է նուրբ ու հարուստ կենսական լիցքերով արձակ, որտեղ անքակտելի կապով կապնված են երկու գրող-մտավորականները:

/Երգի մեջ-գտնում է Չարենցը,-պետք է արտացոլվի կյանքի խստությունը,խորությունը,վեհությունը և լրջությունը:/13

/Էպիկական Լուսաբացում/ զգացվում է պուշկինյան ելևեջներ նաև:Նրա մեռած պոետին՝ Վահան Տերյանին նվիրված տողերում զգացվում է Հայնեի ,Գյոթեի մոտիվները,ինչպես նաև մեծ դերակատարում ունի Թոմանյանի ստեղծագործական ճանապարհը:Այդ ամենի մեջ ամեկարևորն այն է ,որ ամեն դեպքում ակնհայտ է ,որ Չարենցի այս ժողովածուն հագեցած է ծրագրային ստեղծագործություններով:Առանցքային դերակատարում ունի,,Մեծ առօրյան ,,ստեղծագործությունը:Այստեղ գրողը կատարում է բացահայտումներ առօրյայի թոհոբոհի մեջ , պատկերում փոքրիկ մարդու մի օր՝ լեցուն հոգեկան ապրումներով,հրապույրներով,անտարբերությունով ,դժգոհությունով,առհասարակ առօրյայով:

Հայաստան անունը չի շոշափվում,գրեթե բոլոր գործերում, բայց պայքարի երգը,գալիքը,վառ ապագան ,բոցաշունչ խոսքերը,մաքառումը,տարիների սպասումները,խոհերն ու մտորումները խոսում են այդ մասին,իսկ հայրենիքի կերպարն ակնհայտ է այս տողերում.

Փակում եմ հոգնած աչքերս մի պահ
Եվ տեսնում եմ ես այնքան այնքան պարզ
Գալիք մի գարուն վառ մի օր ահա
Երկինքը կապույտ,օրը հրավարս....
Ու կապույտ,կապույտ,կապույտ երկնքից
Թափում է կարծես երգ ու խնդություն
Ոլորապտույտ ձգվում է շոռսեն
Նոր Երևանից դեպի Արարատ:11

11.Նույն տեղում՝ էջ 293

12.հրանտ Թամրազյան.Եղիշե Չարենց.Արևիկ ,Երևան ,էջ 658.

12.Նույն տեղում,էջ368.

ԵԶՐԱԿԱՑՈՒԹՅՈՒՆ

Այսպիսով ի մի բերելով „Էպիքական լուսաբաց, ժողովածուի գործերը ,գալիս են այն եզրահանգման որ նախ գրողն իր խոհերն ու ապրումներն է արտացոլել գործերում,երկրորդ տեսնում է Հայաստանի ապագան՝ լավ ու լուսավոր ,որին պետք է հասնել միայն ու միայն պարբարի ,մաքառման գնով:Կարծես թե ոչինչ չի փոխվել,երբ նայում ես մերօրյա իրադարձություններին,միայն մի բան է փոխվել ժամանակաշրջանը:Դպրոցական ծրագրերում Չարենցի այս ժողովածուի բանաստեղծություններից մի քանիսն է ներառված գրքերում,և հատկապես բարձր դասարաններում:Ըստ այդմ ես կնախընտրեմ դասերը ներկայացնել դասախոսության և զրույցի ձևով՝ նկարագրելով և ներկայացնելով այն նպակադրումները ,որոնք ծրագրային են և այդքան կարևոր հայերիս համար:Ընդհանուր առմամբ Չարենցի այս ժովովածուն հետաքրքիր է ու բովանդակալից:Նյութն ուսումնասիրելիս զգացվում էր գրողի հախուռն ,ըմբոստ ,պայքարող կերպարը:

Ինչպես նաև Չարենցի անձնական կյանքից հատվածներ՝ կնոջ մահվան հետ կապված, առանձնահատուկ տեղ էին զբաղում բանաստեղծություններում: Հատկանշական է <<Մուսայիս>> բանաստեղծությունը:Ինչպես նաև առանցքային էին չափածո նովելները, Միքայել Նալբանդյանին ու Ակսել Բակունցին նվիրված գործերը:Ժողովածուն շատ ընդգրկուն է և հատկանշական այն փաստով ,որ ամեն մի գործի հետ կապված Չարենցը ծնվում է և դառնում հայտնություն:

ԳՐԱԿԱՆՈՒԹՅԱՆ ՑԱՆԿ

1. <<Ոչ մի շաբաթ առանց Չարենցի>>Երևան,Զանգակ, 2022թ.
2. Եղիշե Չարենց, Երկերի ժողովածու, Հատոր 2, Երևան, <<Սովետական գրող>>1986
3. Հրանտ Թամրազյան, Եղիշե Չարենց,Երևան <<Արևիկ>>,1987,վերահրատարակություն.
4. Վ. Կիրկոսյան, Զ.Ավետիսյան Հայ գրականություն,Երևան ,2015.